

Digitaltvinorge.no

Almmolaš diehtajuohkin
digitála-TV sirdimis

Telefovdna 815 52 900



Mediearráigeahčču
NORWEGIAN MEDIA AUTHORITY



2007 čavčča rájes šaddet TV-sáddagat Norggas digitálan.

Dát guoská dutnje gii oainnát TV antenna bokte.

Dán berret diehtit digitála-TV birra

Digitála-TV sirdin eanafierpmádagas

Mii dáhpáhuvvá?

2007 čavčča rájes doaibmagohtet digitála TV-sáddagat du várás gii oainnát TV:a anteanna bokte. Dál sáddejuvvojit analoga TV-signálat áimmu mielde du TV-antennii TV-sáddenbiergasiiguin mat leat eatnama ale, nu gohčoduvvon eanafierpmádat. 2007 čavčča rájes rivdet dát sáddagat digitálan. Eanafierpmádat šaddá digitálan.

Rievdadusat gusket dutnje gii oainnát TV:a dábálaš anteanna bokte.

Mánngga dáfus leat dus válljenmunit mo háldat oainnát TV-signálaid, omd. anteanna, kabela, parabola dahje govdafierpmádaga bokte.

Háldat go oaidnit Tv:a anteanna bokte, de sáhtát ain geavahit du dálá TV:a. Muhto fertet laktit digitála dekodára (vuostáiváldibovssa) TV:ii vai dat "áddešii" daid digitála signálaid. Digitála dekodára fertet ieš háhkat. Dađistaga heaittihuvvojit analoga sáddagat eanafierpmádagas –ja jus it leat juoidá dahkan dassáži, de it oainne Tv:a.

Sidjiide, geat vuostáiváldit TV-signálaid kabel-TV:a, parabola/satelihta ja govdafierpmádat-TV bokte, ii **váikkut** eanafierpmádat rievdadeapmi, muhto eanas olbmot ožžot ođđa válljenmuni.

OĐĐA VEJOLAŠVUOĐAT DIGITÁLA-TV:IN

- Stuorradiggi lea mearredan ahte Tv-sáddagat eanafierpmádaga bokte galget leat digitálan. Dát mearkkaša eanet válljenmuni ja ođđa kánalat eanas olbmuide. Sii, geat ovdal leat oaidnán aivve NRK:a ja TV2:ža, oidnet digitála eanafierpmádaga bokte eanet kánalaid. Eanet bearatgottit sáhttet searvat teknihkkálaš ovdáneapmái.
- Digitála TV-sáddagiid bokte jietna- ja govva kvalitehtta buorrána.
- Mánnga ođđa kánala- ja prográmmafálaldaga ovdánit aivve digitála teknologijja bokte. Jus dáid áiggut oaidnit, de fertet vuostáiváldit digitála TV-signálaid.
- Digitála-Tv:in vuostáiválddát ođđa bálvalusaid. Omd. fállá NRK:a buoret teaksta-TV ja don oaččut elektruvnnalaš prográmmačállosa njuolga šerbmii.
- Nugo TV-sáddagat doibmet dál eanafierpmádagas, de lea das unnán cuogga. Jus galggaš eanet kánalaide čáhkkehit saji eanafierpmádagas, de leat eanas eurohpa riikkat álgán digitála TV-sáddagiiguin. Dát lea oassin teknologijja ovdáneamis.

Mo oaidnit

Digitála-TV?

Digitála-TV:a sáhtta oaidnit njealji láhkai, lea dan duohken mii fálaldagaid dus lea doppe gos orut. Mo dál vállježat oaidnit digitála-TV:a, de fertet laktit digitála dekodára (vuostáiváldibovssa) iežat TV:ii.



ANTEANNA

Digitála-TV:a sáhtta oaidnit antenna bokte. Loga eanet mo dán gihppagis. Eanet dieđuid oaččut go válddát oktavuoda radio- ja TV-vuovdiin, NTV:in dahje RiksTV:in.



PARABOLANTEANNA

Buot TV-sáddagat parabola bokte leat dál jo digitálan. Eanet dieđuid oaččut go válddát oktavuoda radio- ja TV-vuovdiin, Viasat:in dahje Canal Digital:in.



KABEL

Enas kabel-TV-vuovdit fálet digitála-TV*. Eanet dieđuid oaččut go válddát oktavuoda kabel-TV-lágideaddjiin, doppe gos orut dahje Canal Digital:in dahje GET:in.



GOVDAFIERPMÁDAT

Muhtun bearatgottit sáhttet digitála-TV:a oaidnit govdafierpmádatčatnaseami bokte. Dát gohčoduvo dávjá IP-TV:in ja gáibida govdafierpmádatoktavuoda alla leavttuin. Eanet dieđuid oaččut go válddát oktavuoda govdafierpmádatlágideaddjiin.

* Háliidat go kabel-TV:a, de sáhtát dábálaččat válljet analoga- dahje digitála-TV geavahit (dahje goappašagaid). It dárbaš digitála dekodára analoga signálaid vuostáiváldit. Muhtun gálvolágideaddjit diktet du válljet háliidat go digitála dekodára vai it, das duohken guđe kanálfálaldaga háliidat.

SÁHTTET GO BUOKKAT OADNIT DIGITÁLA-TV:A ANTEANNA BOKTE?

Digitála eanafierpmádat olaha 95% norgga bearatgottiin. Jus dál oainnát TV2:ža anteauna bokte, de oainnát maiddái digitála-TV:a dan seamma anteauna bokte.

Digitála eanafierpmádaga olahankárta gávnнат: www.ntv.no/hvor

Oainnán Tv:a antenna bokte

- maid berren bargat?

- Lea vassis ahte juoidá ferte dahkat.

Čuovvovaččat gávnnat dárkkistanlistta mii sáhtá leat veahkkín go galggaht mearredit maid áiggut dahkat.

1. MO HÁLIDAT TV OAINDIT?

Fertet áiggemuniid ovdal go analoga TV-sáddagiid heaittihit, mearredit áiggut go oaidnit digitála-TV:a antenna, kabela, parabola dahje govdafierpádaga bokte.

Iskka mii heive buoremusat dutnje ja guđe vejolašvuođat dus leat doppe gos orut. Muite ahte golut ja kanálfálaldagat molsašuddet vuovdis vuovdá.

2. GUĐELÁGAN KANÁLAFÁLALDAGA HÁLIDAT?

Hálidat go NRK1:ža, NRK2:ža ja NRK3:ža (NRK Super juovlamánu 2007 rájes) oaidnit ja oalle mánga radiokanála NRK:s gullat, de sáhtát vuostáiváldit daid antenna bokte. It dárbbáš oastit abonnemeantta guđege vuovdis dáid kanálaid vuostáiváldit.

Go TV2:ža, Lokal -TV:a ja ápen kanála áiggut oaidnit, de fertet oastit abonnemeantta RiksTv:is, muhto it dárbbáš máksit maidege abonnemeantta ovddas gitta 2009 lohppii.

Hálidat go buoret kanálfálaldaga, de berret iskkat mávsse-TV fálaldagaid daid iešguđet gálvoláideaddjiin mat fáallet TV-signálaid eanafierpmádaga, kabel-TV:a, parabola ja govdafierpmádaga bokte.

3. LEA GO DUS TV MÁDGGA LANJAS, BARTTAS, FATNASIS DAHJE VIESSOVVNNAS?

Digitála-TV sirdimis dárbbášat don eanas oktavuodain dekodára juohke TV:ii. Mánga gálvoláideaddji fáallet mánga dekodára vuoliduvvon haddái, oanehis áigeabonnemeantta asttuáiggeviesuide jna., jus oasttát sin fálaldagaid. Iskka daid iešguđet gálvoláideaddjiid ja TV-vuovdiid fálaldagaid.



ANALOGA



DIGITÁLA

Doahpagat ja dadjanvuogit

ANALOGA TV-SÁDDAGAT

- lea árbevirolaš vuohki mo TV-signálat leat sáddejuvvon anteanna bokte. Jietna ja govva fievrriiduvvo radiorávnnji mielde sáddenrusttegis vuostáiváldái. Analoga eanafierpmádat heaittihuvvo dadistaga 2009 rádjai.

DIGITÁLA TV-SÁDDAGAT

- lea ođđa vuohki sáddet TV-signálaid. Jietna ja govva hábmejuvvo datasiánalan ovdal go sáddejuvvo. Dát signálat sáhttet anteanna, satelihta, kabela, govdafierpmádaga jna. bokte fievrriiduvvot. Digitála-TV sirdin sáhtta mángga dáfus buhtastahttit videobáttiid (VHS) rievdeamis DVD:in.

DIGITÁLA EANAFIERPMÁDAT

- lea ođasmahttin dálá TV-sáddenrusttegiin mat leat eatnama alde. Go ođđa digitála rusttegiidda bidjá TV-sáddenrusttegiid miehtá riikka, de digitáliserejuvvo eanafierpmádat.

DIGITÁLA TEAKSTA-TV

- lea ođđalágan teaksta-TV buoret grafihkain, jienain ja govaiguin. Dát sulastahtta interneahhtasiidduid aingo dábalaš teaksta-TV. Don dárbbasat dekodára mas lea MHP (Multimedia Home Platform) doarjja. Dákkár dekodáriid válljenmunni lea álggus (2007 čavčča) mealgat vátni.

DIGITÁLA DEKODÁRAT (VUOSTÁIVÁLDIBOKSA)

- lea boksa mii lakto TV:ii ja jorgala daid digitála TV-signálaid dakkár gillii maid du TV áddešii. Dekodáriid fidnet oastit TV-vuovdis dahje signála-lágideaddjis.

Eanafierpmádahkii, kabel-TV:ii, satelihtii ja govdafierpmádat-TV:ii fertet válljet heivehuvvon dekodára mii čuovvu vuovdilogalhallama. Dávjá lea ođđa abonmeanta čatnon dekodár oastimii/láigoheapmái.

Gávdnojit mánggalágan dekodárat iešguđet lassifunkšuvnaiguin nugo obba vejolašvuotta TV-sáddagiid báddet maid maŋŋá sáhtta čuojahit (Persovnnalaš Video báddenrusttet, PVR). Fertet árvoštallat daid iešguđet vejolašvuodaid iežat dárbbu ja máksindáhtu hárrái.

Hálidat go digitála-TV:a oaidnit anteanna bokte, de berret NTV-dohkkehuvvon dekodára geahčadit. Anteannadekodáriid válljenmunni lassána dadistaga.

Digitála eanafierpmádaga álggaheami ja analoga

tv-sáddagiid heaittiheami áigemearit*

* NTV borgemánu 13.b.2007 dieđuid vuodui

Fylka

Álggaheapmi

Heaittiheapmi

Rogalánda	čakčamánu 1.b. 2007	njukčamánu 4.b. 2008
Østfold	čakčamánu 4.b.2007	cuoŋománu 29.b.2008
Oslo ja Akershus	čakčamánu 6.b.2007	miessemánu 20.b.2008
Hordalánda	golggotmánu 1.b.2007	čakčamánu 20.b.2008
Møre og Romsdal	golggotmánu 8.b.2007	golggotmánu 28.b.2008
Buskerud, Vestfold ja Telemárku	golggotmánu 11.b.2007	čakčamánu 2.b.2008
Mátta-Trøndelága	skábmamánu 1.b.2007	skábmamánu 2009:is
Hedmárku ja Opplánda	skábmamánu 8.b.2007	guovvamánu 2009:is
Sogn og Fjordane	juovlamánu 3.b.2007	golggotmánu 28.b.2008
Aust-Agder, Vest-Agder	skábmamánu 2008:is	miessemánu 2009:is
Davvi-Trøndelága ja Nordlánda	skábmamánu 2008:is	golggotmánu 2009:is
Tromsa ja Finnemárku	skábmamánu 2008:is	skábmamánu 2009:is

ÁIGEGUOVDILIS OKTAVUOĐAT

Radio- ja TV-vuoddit

geahča iežat báikkálaš telefongirjjiis

Eanafierpmádat

Norgga televišuvdna (NTV): www.ntv.no

Telefovdna: 09595

RiksTV: www.rikstv.no /telefovdna: 09595

Parabol-TV

Viasat www.viasat.no /telefovdna: 815 22022

Canal Digital. www.canaldigital.no

Telefovdna: 06090

Kabel-TV

Get: www.get.no /telefovdna: 02123

Canal Digital. www.canaldigital.no / telefovdna: 06090

Eará báikkálaš gálvológideaddjit, geahča báikkálaš telefongirjjiis

Govdafierpmádat

Geahča vuovdilistta www.telepriser.no

NRK

www.nrk.no /telefovdna: 815 65 900



ALMMOLAŠ DIEHTOJUOHKIN DIGITÁLA-TV SIRDIMIS

WWW.DIGITALTVINORGE.NO

Medietilsynet – Nygata 4 – 1607 Fredrikstad - TELEFOVDNA 815 53 900